



**ХОРАЗМИЙ  
МУХАББАТНОМА**



## МУҲАББАТНОМА



### АВВАЛ КЎРИШКАНИН АЙТУР

Тун оқшомким, кўрунди байрам оёи,  
Муҳаммад Хожабек — давлат ҳумойи.

Буюрди, ўзга шодурвон урулди,  
Қадах келтирдилар, мажлис қурулди.  
Ҳусайний пардаси узра тузуб соз,  
Муғанний бу ғазални қилди оғоз...

### БАЁНИ ВОҚЕИН АЙТУР

Табассум қилди, айди: «Эй фалоне,  
Кетургил бизга лойиқ армуғоне.

Кўнгул баҳринда кўп гавҳарларинг бор,  
Очунда порсий дафтарларинг бор.

Муҳаббат нардини кўплардин уттунг,  
Шакартек тил била оламини туттунг.

Тиларменким, бизинг тил бирла пайдо,  
Китобе айласанг бу қиш қотимдо, —

Ким уш елтек кечар айёми фоний,  
Жаҳонда қолса биздин армуғоне».

Қабул қилдим, ер ўптим, айдим: «Эй шоҳ,  
Эшикинг тупроғи давлатли даргоҳ.

Кучум етмишча кўп хизмат қилойин,  
Жаҳонга эзгу отингни ёёйин.

Букун тонгқа текин май нўш қилғин,  
Бадиҳа бу ғазални гўш қилғин»...

## МАСНАВИЙ

Ровисқинча ғазал, шаҳ гўш тутти,  
Манга хилъат киюриб, кўш тутти.

Бироз кечти дағи мажлис исинди,  
Қадах чаврулди-ю май бошқа минди.

Яна фурсат била бўлдум маҳални,  
Ўқудум хизматинда бу ғазални.

### **ҒАЗАЛ**

Яратқонким, тан ичра жон яратти,  
Сени кўрклуқлар узра хон яратти.

Қуёш янглиғ юзунгизни ёрутти,  
Фалакдек бизни саргардон яратти.

Халойиқ қибласи бўлди жамолинг,  
Ўшал кунким сени Яздон яратти.

Тўлин ой таъбия сарв узра қилди,  
Мени ул сурата хайрон яратти.

Эшиттинг эрса Юсуфнинг жамолин,  
Сени ҳусн ичра сад чандон яратти.

Карим Тенгри камолин қилса изҳор,  
Сен ойни бўйла бенуқсон яратти.

Зиҳи қодирким ул бир қатра сувни  
Муҳаббат гавҳаринга кон яратти.

Азалда қилди Хоразмийни муҳтож,  
Тағи манзурини султон яратти.

### **МАСНАВИЙ**

Китобат бошладим, анжома етгай,  
«Муҳаббатнома» Миср-у Шома етгай.

Бу хон узра салойи ома қилдим,  
«Муҳаббатнома»ни ўн нома қилдим.

Қилойин икки бобин порсий ҳам,  
Ким атлас тўн ярошур бўлса муълам.

Бурун алқисса бек мадҳин аёйин,  
Уш анд ин сўнгра нома бошлағойин.

Зиҳи арслонюрак Қўнғрот уруғи,  
Кичик ёшдин уруғларнинг улуғи.

Саодат маъдани, иқбол ганжи,  
Муҳаммад Хожабек олам кунжи.

Ўза жонсиз тан эрди мулк сансиз,  
Шаҳаншоҳ Жонибекхонға етансиз.

Сипоҳинг таквиятлар динга берур,  
Фаридун ганжини мискинга берур.

Сулаймон салтанатлиқ подшо сен,  
Масиҳ анфослик Юсуфлиқо сен.

Ошар елдин сенинг елганда отинг,  
Қуёш янглиғ жаҳонни тутти отинг.

Агар минг йил тирилса Ҳотами Тай,  
Сенинг отинг эшитгач, ерлар ўпгай.

Эрур давлатқа дийдоринг тафовул,  
Бўлубтур талъатингға Муштарий қул.

Улус туттунг камуқ ақлинг кучиндин,  
Черикда қон томар қамчинг учиндин.

Санго жуду шижоат бўлди пеша,  
Шижоат бирла жудунгдин ҳамеша.

Гаҳе Ҳотам уёлур базм ичинда,  
Гаҳе Рустам юпонур разм ичинда.

Қачонким икки саф бўлса муқобил,  
Сенинг чокарларинг-ўқ кўкраюр бил.

Киранг разм ичра тўйға киру янглиқ,  
Ачиқмиш бўри қўйға киру янглиқ.

Агар десам сени Рустам, ярарсен,  
Қиличинг бирла сафларни ёрарсен.

Агар мадҳинг битиса кўк дабири,  
Тугалмас минг йил ичра мингда бири.

Неча ким бўлсалар кўк ичра жовид,  
Аторид битқачи, барбатчи Ноҳид.

Қуёшдек давлатинг тобанда бўлсун,  
Эшикингда ети кўк банда бўлсин.

Айитсин банда Хоразмий дуолар,  
Карамдин ҳар замон қилғин атолар.

Санодин ўзга навъ атлас тўқуйин,  
Қиш ўртада баҳориёт ўқуйин, —

Ким учмоқтур сенинг базминг биноси,  
Ҳамеша ёз эрур жаннат ҳавоси.

### ҒАЗАЛ

Қадах чаврулди уш бўстон ичинда,  
Хуш ичкил роҳни райҳон ичинда.

Чаман фарроши, яъни тонг насими,  
Гулафшонлиқ қилур бўстон ичинда.

Очилди ёз, кечди ул ким эрди,  
Чаман Юсуфлари зиндон ичинда.

Чечак япроқлари ерга тушубтур,  
Анингтек ким ақиқлар қон ичинда.

Кел, эй учмоқ гули, чимгонга чикқил,  
Бу кун ўлтурмағил айвон ичинда.

Бизинг бек ёдиға ишрат қилоли,  
Нечаким йўқтурур биз қон ичинда.

Муҳаммад Хожабек, улким Алитек,  
Ўқуш жавлон қилур майдон ичинда.

Ўқи ногаҳ агар сандонға текса,  
Башоғи итланур сандон ичинда.

Аё соҳибқиронеким, узарлар  
Қиличиндан адувлар қон ичинда.

Ўқуш йиллар Яратқон боқи(й) тутсун,  
Ҳаётингни, бегим, даврон ичинда.

Нишон бермас ким эрса мислингизни,  
Ироқ-у Рум-у ҳам Канъон ичинда.

Хоразмийнинг кетиб ақли бошиндин,  
Турур тек сурати йўқ жон ичинда.

### **ВАСФ УЛ-ҲОЛ АЙТУР**

Йигитсен, бода ичкил, нуқл ошоғил,  
Бугундин сўнг юз эллик йил яшоғил.

Нишот-у айш нўшонўш қилғил,  
Хирадни май била мадҳуш қилғил,

Ким асру бевафодур бу замона,  
Жаҳон қолмас кишига жовидона.

Улусқа раҳм этиб ғамхор бўлғил,  
Ҳамеша шод-у бархурдор бўлғил.

Жаҳонни эзгу отинг тутти мутлақ,  
Ямон кўздин йироқ тутсин сени Ҳақ.

Муҳаббат бирла жониндин бу мискин,  
Дуо қилди, ижобат бўлсин, омин.

Муҳаммад Хожабек мадҳин тугаттим,  
«Муҳаббатнома»ни бунёд эттим.

### **АВВАЛГИ НОМАНИ АЙТУР**

Аё кўрк ичра олам подшоҳи,  
Жаҳон тутти сенинг ҳуснунг сипоҳи.

Пари рухсораларнинг кўрка бойи,  
Юзинг наврўз-у қошинг байрам ойи.

Кўнгил ширин сўзингга бўлди Фарход,  
Кўзунг Кашмир жодусиға устод.

Қаро менг ол яноқингга ярошур,  
Бошим доим адоқингга ярошур.

Бўюнг сарв-у санубартек, белинг қил,  
Вафо қилғон кишиларга вафо қил.

Ақиқинг суҳбатиндин жон бўлур сўз,  
Қамартек чехранга боқса Қамар кўз.

Урур наргисларинг новакни жонға,  
Кулар чехранг чечактек арғувонға.

Муҳаббат нори жондин кетмади ҳеч,  
Қўлим сийм олмангизға етмади ҳеч.

Саройдин борди Чин-Мочинға човинг,  
Қиё боқсанг, бўлур арслонлар овинг.

Табассум қилсангиз шаккар уёлур,  
Тишинг инжусидин гавҳар уёлур.

Жамолинг етти оламга сипаҳлар,  
Қатингда ер ўпарлар жумла шаҳлар.

Фалак ишқинг йўлинда бесар-у пой,  
Исирғанг донаси Зухра, юзунг Ой.

Латофат мулкида султонсен, эй жон,  
Қамуқ бошдан-оёққа жонсен, эй жон.

Қатиқ кулсанг, магар оғзинг билургай,  
Пари кўрса сени, мендак тилургай.

Сочинг бир торина минг хур етмас,  
Юзунгнинг нурина минг нур етмас.

Агар берса суюрғаб Ҳақ таоло,  
Керакмас сенсизин тирдавси аъло.

Кўнгулнинг кони қайнаб барча тошқай,  
Кўзумнинг ёшидин кавсар булошқай.

Кишининг сенсизин не жони бўлсун,  
Анингтек умрнинг не сони бўлсун.

Шакар эрнинг наботи Хизра ўхшар,  
Оёғинг кимки ўпса, мангу ёшар.

Жамолингтеки кишининг йўқ жамоли,  
Дариғо, бўлмаса эрди заволи.

Қиёмат кўрклусен, ҳуснунгга не сўз,  
Йироқ бўлсун жамолингдин ёвуз кўз.

Букун йўқтур сен Ойтек кўкта, асра,  
Қулунг бечора Хоразмийни асра.

### **МАСНАВИЙ**

Кел, эй соқий, кетурдил бодайи ноб,  
Қула-ўйна-ю ичсунлар бу асҳоб,

Ким уш элтек кечар айёми фоний,  
Ажалдин ҳеч кишининг йўқ амони.

Сабурдин яхши йўқтур пеша қилсам,  
Бу йўлда сабр, йўқ андеша қилсам.

### **ИККИНЧИ НОМАСИН АЙТУР**

Саломин гулга элт, эй тонг насими,  
–Ким эрур ой қули, ахтар надими.

Саломеки кўнгул жонона айса,  
Ёрур кўзлар саводидин битиса.

Саломимни тегур ул дилситонга,  
Раҳмсиз бевафо жони жаҳонга.

Саломимни тегур ул кўрка бойга,  
–Ким урур чехраси минг таъна ойга.

Саломимни тегур ул хушлиқога,  
Қамуқ бошдин-оёқ оби бақога.

Айитқил, эй бўюнги туби бутуқи,  
Қулунг(нинг) ҳаддин ошти иштиёқи.

Айитқил, эй висолинг умр боғи,  
Эшигинг тупроғи кавсар булоғи.

Айитқил; эй сўзи ёлғон-жафокор,  
Қароғлари қароқчи, ўзи айёр.



Айит, эй меҳринг оз, ишванг фаровон,  
Нетадур ул оғизда мунча ёлғон.

Айит мендинким, ул мискин урур ох,  
Қачон энгай гадонинг эвина шоҳ.

Қачон қилғай кўзумни ёқту ул ой,  
Эрур юзи Қуёштек оламорой.

Қачон лаълинг қадахлар нўш қилғай,  
Карашманг бандани мадхуш қилғай.

Зихи фархунда толеъ бахтиёри,  
–Ким ул ҳазратга бир кун топса бори.

Юзунгдин билгурур давлат нишони,  
Ўрамунг тупроғи, бахт ошёни.

Жаҳон тутти жамолинг, дод қилғил,  
Бу мискинни бирар ҳам ёд қилғил.

Сенингдек подшонинг марҳабоси,  
Менингтеқ минг гадонинг хун баҳоси.

Кучум етгунча кўп қилдим вафолар,  
Вафолик қулни асрар подшолар.

Манга сенсиз ўлумдир бу ҳаётим,  
Сенинг меҳринг била ёғрулди зотим.

Кўнгулга ўзганинг меҳрин ёвутмон,  
Йироқлик бирла мен сизни унутмон.

Эрурман васлинга доим талабгор,  
Нечаким тун узун бўлса, тонги бор.

Топилғай мақсудум табқунгда бори,  
Саодат қилса Хоразмийға ёри.

Оғир уйқучи бахтим неча ётқай,  
Висолинг машриқиндин ҳам тонг отқай.

## МАСНАВИЙ

Кел, эй соқий, кетургил жоми Жамни,  
Кишининг кўнглидин май юр ғамни.

Ким ошти кўкка оҳим ихтироқи,  
Куюрди кўнглуми дилбар фироқи.

Сабурдин яхши йўқтур пеша қилсам,  
Бу йўлда сабр йўқ андеша қилсам.

### **УЧИНЧИ НОМАСИН АЙТУР**

Аё хуршидтек олам чароғи,  
Мунаввар чехрангиз фирдавс боғи.

Қамуқ кўрклуқлар узра подшосен,  
Масих анфослиқ Юсуфлиқосен.

Очилса лаълингиз шаккар сочилур,  
Кўриб гулғунчанинг оғзи очилур.

Бўйингтек сарв йўқ бўстон ичинда,  
Юзунг нуридин ой нуқсон ичинда.

Жаҳон бўлди жамолингдин мунаввар,  
Зиҳи хусн-у жамол Аллоҳу акбар.

Қилур зулфинг қамуқ оламни шайдо,  
Бўлур жоду кўзунгдин фитна пайдо.

Ярар минг жон бир ишколинг фидоси,  
Кўзум мардуми холингнинг фидоси.

Сени кўрган ўзиндин ёт бўлур,  
Рухунгни кўрса минг шаҳ мот бўлур.

Ики зулфинг кўнгулларнинг паноҳи,  
Эшикинг тупроғи жон саждагоҳи.

Рақибингдур тикан, сиз тоза гулсиз,  
Чечак чимгон аро бўлмас тикансиз.

Шакардин тотли сўзли дилрабосен,  
Дареғоким, чечактек бевафосен.

Сенинг ёдинг қилурмен кўп ғазалда,  
–Ким эрдим онунға ошиқ азалда.

Манга ҳаддин оширма бу жафони,  
Кўзингдин солма бу мискин гадони.

Эшиткил бу ғазалда ишларидин,  
Муҳаммад Хожабек айтмишларидин.

### **МАСНАВИЙ**

Кел эй, гулчеҳра соқий, май кетургил,  
Мени ҳайрат мақомиға етургил.

Ҳабибим нақшидин маъни бўлойин,  
Таҳайюрда ўзимдан кутулойин.

Сабурдин яхши йўқтур пеша қилсам,  
Бу йўлда сабр йўқ андеша қилсам.

### **БЕШИНЧИ НОМАСИН АЙТУР**

Аё гулчеҳралар молик рикоби,  
Қамуқ олам сенинг ғамзанг хароби.

Латофат мулкининг соҳибқирони,  
Мувофиқ суратинг бирла маони.

Хираддин оздурур ғамзанг хумори,  
Янғоқларинг Халилуллоҳ нори.

Сенинг ҳуснунг қамуқ оламда машхур,  
Юзунгдин кизланибтур хулд аро хур.

Кўнгулга жондин ортиқроқ кераксен,  
Пари-ю хурдин кўрклураксен.

Фаришта кўрса бўлғай сизга мойил,  
Сизингтек кимда бор шакл-у шамойил?

Ярар жон десалар ёқутунгизга,  
Тенг этмон Зухрани Ҳорутунгизга.

Мен асру бенаво, сиз муҳташамсиз,  
Латиф-у нозик-у зебо санамсиз.

Қилур ўз жонинга қасд, ўзи бойиқ,  
Гадоеким бўлур султона ошиқ.

Менинг дардимға дармон васл эрур бас,  
Вале ҳаргис улашмас гавҳари хас.

Саботек билмас охир ўз чоғини,  
Босар ҳар дам эшигинг тупроғини.

Куяр кўнглум сабонинг ул ишиндин,  
Нечукким куйса хирманлар яшиндин.

Кулар Ой ҳуснунга қултек энгингиз,  
Қародур лола кўнглитек менгингиз.

Менга учмоқ эрур васлинг ҳузури,  
Юзунгдин шуъла урур Тенгри нури.

Ўрамунг итларининг иттиҳоди,  
Кўнгуллар мақсуди, жонлар муроди.

Чечак дерман юзунгизга, қамар ҳам,  
Халойиқ севганин Холиқ севар ҳам.

Сенинг ишқинг каманди бизни тортар,  
Жамолинг равнақи оламни ўртар.

Ўшул кунким, сени Холиқ яратти,  
Сени дилбар, мени ошиқ яратти.

Манга табқунгда ҳаргиз бўлмади сон,  
Киши ул салтанатни олмас осон.

Анингким сидқи бўлса сизга зоҳир,  
Ани сизтеклар асрар бўлур охир.

Нечаким берса чехранг кўзлара нур,  
Чечактек бўлмағил ҳуснунгга мағрур.

Сенинг ишқингда Хоразмий йўқолди,  
Ва лекин ер юзунда оти қолди.

## **МАСНАВИЙ**

Кел, эй ой юзли дилбар, тут бирор қўш,  
Бирор қўш бирла қилғил бизни мадхуш.

Бўлоли айш-у ишратпешалардин,  
Қутулсин кўнглумиз андешалардин.

Сабурдин яхши йўқтур пеша қилсам,  
Бу йўлда сабр йўқ, андеша қилсам.

### **ЕТТИНЧИ НОМАСИН АЙТУР**

Аё зебо санам шоҳи қабойил,  
Таолиллоҳ зиҳи шакл-у шамойил.

Шакар эринг қачон сўз қилса оғоз,  
Қилур жон тўтиси танларда парвоз.

Шакарму эрнингиз ё қанд, ё жон,  
Уёлур лаълингиздан оби ҳайвон.

Қачонким бўлса тор оғзинг шакарбор,  
Сабо гулғунчанинг оғзини йиртор.

Қаро қошингда юз минг фитналар бор,  
Кўзунг оҳуси арслонларни овлар.

Санго пайваста, эй кони малоҳат,  
Кўзунг қошинг била ўқ ё не ҳожат.

Сўзунг Ширин, Ўзунг Хисравдин афзун\*, (*\* Авзун – ортиқ.*)  
Бўлур Лайли сенинг ҳуснунгга Мажнун.

Билик билмак ичинда жавҳарисен,  
Вале ҳусн ичра жавҳардин арисен.

Қуёш ҳар кун юз урур ул қобуққа,  
Жамолинг солди Юсуфни кудуққа.

Қаро кирпукунга кундуз тенголмас,  
Сақоқингни ёқанг кундуз ўпар бас.

Дудоғингдин кўнгул жон ҳосил этмас,  
Аёқинг турпоғин ўпсам, не етмас.

Тилармен ким юзунгга сажда қилсам,  
Висолинг қадрининг шукрини билсам:

Сенинг ишқингда бағримдин оқар қон,  
Жамолингнинг тамошосин тилар жон.

Жамолингдин хирад шайдо бўлубтур,  
Ичим-бағрим қамуқ савдо тўлубтур.

Қачон ўлсам санго қадрим билургай,  
Бу йўлга тушса Афлотун телургай.

Карашма бирла ошиқ ўлтурурсиз,  
Сиз ўлтурган киши ўлгайму ҳаргиз.

Қилибтур халқни шайдо карашманг,  
Қиёматлар кўпар пайдо карашманг.

Нечук меҳрингни жонимдин бўёйин,  
Кўнгул сиздин олиб кимга беройин.

Биҳамдуллоҳ сенинг ҳуснунг чоғинда,  
Еримиз бор эшикинг тупроғинда.

Тирик бўлинг, шаҳо, даврон боринча,  
Қулунгузмен танимда жон боринча.

Умр кечти камуғ савдо ичинда,  
Неча юзгай киши дарё ичинда.

Кўнгул икки жаҳонни кўзга илмас,  
Сенинг ишқинг умрнинг ҳосили, бас.

Жаҳондин ошуну минг йил қилди Холиқ,  
Сенинг ҳуснунгга Хоразмийни ошиқ.

Довур сизнинг турур даврон боринча,  
Қулунгузмен танимда жон боринча.

### **МАСНАВИЙ**

Кел, эй соқий, назардин солмағил гал,  
Кетур ул майки, бўлғай бизга сайқал.

Эрур бечора Хоразмий муроди,  
Ики оламда дилбар иттиҳоди.

Сабурдин яхши йўқтур пеша қилсам,  
Бу йўлда сабр йўқ, андеша қилсам.

### **ТЎҚҚУЗУНЧИ НОМАСИН АЙТУР**

Аё оху назарлар шаҳриёри,  
Хусн майдонининг чобуксувори.

Қилич урсанг, қулунгман жовидона  
Ва гар ўқ отсангиз бағрим нишона.

Таним боринча сендин юз жевурман,  
Эшикинг тупроғиндин бош кўтурман.

Қамуқ умрим сенинг нозинг фидоси,  
Менинг кўнглум қуши бозинг фидоси.

Нечаким илмасангиз кўзга бизни,  
Кўнгул жон ичра асрар меҳрингизни.

Ғаниматтур умур навқони бизга,  
Мубоҳ эрур кўнгуллар қони сизга.

Жамолинг мадҳидин офоқ тўлди,  
Санго олмоқ кўнгулни хатм бўлди.

Ачиқ сўзи Қирим шаҳдиға ўхшар,  
Жамол айёми гул аҳдиға ўхшар.

Сени кўрса кечар тарсо санамдин,  
Вужудга келмади центек адамдин.

Қачон зулфинг насими Рума эсгай,  
–Ким ул ё қошларинг зуннор кесгай.

Манга ишқинг йўлинда қон кўрунур,  
Юзинг ойинасинда жон кўрунур.

Яротти ой бикин зебо сени Ҳақ,  
Ким уш чехранг берур оламға равнақ.

Мени қилди фалакдек бесар-у пой,  
Тағи минг йил санингдек туғмағай Ой.

Жаҳоннинг фитнаси усрук кўзунгда,  
Аён Исо дами ширин сўзунгда.

Кишининг покларға кўнгли тортар,  
Хусн худ покдоманлиқтин ортар.

Агар кўрса сени ҳам лола сўлғай,  
Сенингдек гул магар учмоҳда бўлғай.

Аёқинг ўпмакин кул қилди одат,  
Сулаймон бўлмади мундоқ саодат.

Висолингнинг бу кун шукрин қилурман,  
Хаёлинг кўзда учқонин билурман.

Қуёш акси юзунгдин роҳ ичинда,  
Сенингдек йўқ чечак учмоҳ ичинда.

Қулинг кўптур вале мен инжа қулмен,  
Висолинг қадрини билмас дугулмен.

Кўнгул сенсиз тжломас танда жонни,  
Кўрар юзунгда Хоразмий жаҳонни.

### **МАСНАВИЙ**

Кел, эй соқий, кетур паймона бизга,  
Иноятлар қилур жонона бизга.

Ичолинг бодани жонон юзига,  
Хизир суйин сочолинг жон юзига.

Сабурдин яхши йўқтур пеша қилсам,  
Бу йўлда сабр йўқ, андеша қилсам.

### **ЎНИНЧИ НОМАСИН АЙТУР**

Аё номехрибон аҳди бақосиз,  
Жаҳон елтек, умр гултек вафосиз.

Қамуқ ёқут эринли, сўзи дурлар,  
Вафосизлиқни сиздин ўрганурлар.

Умр меҳнат била поёна келди,  
Кўнгул жавринг алидин жона келди.

Мени ўлтурди ишқинг, бермадинг дод,  
Борурмен остонангдин, хайрбод.

Кўзум кўрди жамолинг шевасини,  
Кўнгул тотмади боғинг мевасини.



Эрур жон мақсуди эрнинг наботи,  
Хусннинг ҳам бўлур охир закоти.

Сенга то бўлдим, эй жон, ошномен,  
Жафонг илгиндин асру мубталомен.

Солойин ўзуми ўзга диёра,  
Кўнгулни боғлағойин ўзга ёра.

Телим гулчехра наргис кўзлилар бор,  
Шакар дудоғли, ширин сўзлилар бор.

Вале кўнгул қутулмас домингиздин,  
Қамуқ шаккар томар дашномингиздин.

Бағишлосанг қоним, султонсен, охир,  
Кўзумга нур, танимга жонсен, охир.

Давр сизнингдурур даврон боринча,  
Қулунгизмен танимда жон боринча.

Билурменким, сизингдек бўлман, эй жон,  
Бўюнсундим жафоға, қулман, эй жон.

Киши қайда ўларин билса бўлмас,  
Ҳақиқат ёридин айрилса бўлмас.

Хирад бирла жаҳон афсонаси мен,  
Вале занжирингиз девонаси мен.

Ўлумдур бизга жононсиз тирилмак,  
Маҳол эрур тана жонсиз тирилмак.

Кўнгул меҳри назар йўлиндин ортар,  
Нигори жаврини жон бирла тортар.

Хусни то хувайдо қилди Холик,  
Хусн бирла вафо бўлмас мувофиқ.

Жафодин инграмас бу йўлда ушшоқ,  
Вафодин жаврингиз минг қатла хушроқ.

Эвурман юз, нечаким келса меҳнат,  
Жафо сиздин, тағи биздин муҳаббат.

Ўғон Юсуф жамолин сизга берди,  
Муҳаббат кимёсин бизга берди.

Бу Хоразмий «Муҳаббатнома»сини  
Аторуд кўрди, солди хомасини.

### **МАСНАВИЙ**

Кел, эй соқий, кетургил хуш сабуҳи(й),  
–Ким ушбу дам эрур жоннинг футуҳи.

Ичолинг бодани гуллар сўлиёр,  
Танимиз оқибат тупроқ бўлиёр.

Бу ерга етти сўз охир бўлди,  
Бурун ўн дедим, у ўн бир бўлди.

### **МУНОЖОТ**

Илоҳи, ёқту қилғил жонимизни,  
Халалдин сақлагил имонимизни.

Тикандин қудратинг пайдо қилур гул,  
Хато кўп келди мен қулдин, кечургил.

Аё фарҳанда толеъ талъати кун,  
Сени Тенгри муродингга тегурсун.

Муҳаммад Хожабек — Жамшиди соний,  
Жаҳоннинг орзуси-ю халқ хони.

Саодатни ҳунарга ёр қилғил,  
Ҳунардин бизни бархурдор қилғил.

Сўзум бикрини кўргуз шахға ширин,  
Шаҳиким қилди Хусравларни Ширин.

Аёйин эмди бир қитъа, эшитгил,  
Нечукмен ҳол-у аҳволимни билгил.

### **ҚИТЪА**

Тамаъ доминда қолур қуш эмасмен,  
Талим\* айвон уза учқон Ҳумомен. (\* *Талим – Баланд.*)

Қиличтек тил била туттум жаҳонни,  
Қаноат мулки ичра подшомен.

Харобот ичра, масжидда ерим бор,  
Ким уш ҳам риндмен, ҳам порсомен.

Неча хашматли султон бўлса — бўлсин,  
Айитмон мол учун мадҳ-у сано мен.

Қиёматқа текин қолсун отинг теб,  
Сенинг табқунгға бўлдум ошно мен.

### **ХОТИМАТ УЛ-КИТОБ**

«Муҳаббатнома» сўзун мунда айиттим,  
Қамуғун Сир ёқосинда битидим.

Назар бирла агар Жамсен, гар Осаф,  
«Муҳаббатнома»(ни) қилсанг мушарраф.

Ўқиғил фотиҳада қибла ёни,  
Севунсун банда Хоразмий равони.

Бу дафтарким, бўлубтур Миср қанди,  
Ети юз элли тўрт ичра туганди.

Тугатмакликка Ҳақ берди иноят,  
Эшитгил эмди ҳам бир хуш ҳикоят...

### **ИЛТИМОСИН АЙТУР**

Муни ким ишқ бирла бир ўқуғай,  
Ҳақиқат оламини мунда билғай.

Айитқон бу китобни ҳам битигай,  
Тилармен ким дуода ёд қилғай.

### **ФАРД**

Ниёзим бу турур сендин, нигоро,  
Унутма бандани баҳри Худоро.